



Broj: 02-11-587-3/22

Fojnica: 21.04.2022. godine

Na osnovu člana 64. stav 1. tačka b), člana 70. stav 1., 3. i 6. Zakona o javnim nabavkama BiH („Službeni glasnik BiH“, broj: 39/14), člana 39. Statuta Općine Fojnica – Prečišćeni tekst („Službene novine Općine Fojnica“, broj: 2/15), a u vezi s preporukom Komisije za javne nabavke, broj: 02-11-587-3/22 od 21.04.2022. godine, načelnik Općine Fojnica, donosi

ODLUKU o izboru najpovoljnijeg ponuđača

Član 1.

Dodjeljuje se ugovor za javnu nabavku robe „ogrjevnog drveta – bukovog ili grabovog“ ŠPD „Srednjobosanske šume“ d.o.o. Donji Vakuf, ul. 770 Slavne brdske brigade, ID broj: 42363 11640001, ponuda od 19.04.2022. godine za ponudenu cijenu od 19.830,09 KM (devetnaesthiljadaosamstotrideset 09/100 konvertibilnihmaraka) sa uračunatim PDV-om.

Član 2.

Prijedlog ugovora o nabavci dostavit će se na potpis gore izabranom ponuđaču.

Izabrani ponuđač je dužan dostaviti dokaze o kvalificiranosti u roku od 3 (tri) dana nakon što svi ponuđači budu obaviješteni od strane ugovornog organa o rezultatima postupka nabavke.

Član 3.

Ova odluka objavit će se na web stranici Općine Fojnica, istovremeno sa upućivanjem ponuđačima koji su učestvovali u postupku javne nabavke shodno članu 70. stav 6. Zakona o javnim nabavkama BiH.

Član 4.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama.

O b r a z l o ž e n j e

Postupak javne nabavke - robe „ogrjevno drvo – bukovo ili grabovo“, proveden je putem Konkurentskog zahtjeva, broj: 02-11-587/22 od 05.04.2022. godine, sa namjerom provođenja E-aukcije.

Obavijest o javnoj nabavci broj: 546-7-1-14-3-10/22 objavljena je na Portalu javnih nabavki 06.04.2022. godine, a i Tenderska dokumentacija je objavljena na portalu javnih nabavki.

Komisija za javne nabavke Općine Fojnica imenovana Rješenjem općinskog načelnika, broj: 02-30-34/22 od 14.01.2022. godine, dostavila je Općinskom načelniku Zapisnik o ocjeni ponuda sa preporukom o izboru najpovoljnijeg ponuđača za nabavku – robe „ogrjevnog drveta – bukovog ili grabovog“, broj: 02-11-587-2/22 od 21.04.2022. godine.

U postupku, po zapisniku o radu, je utvrđeno da je Komisija za provođenje postupaka javnih nabavki blagovremeno i pravilno izvršila otvaranje ponude, pregled ponude, o čemu je sačinili odgovarajući zapisnik, u kojem je utvrđeno sljedeće:

- da je u predmetnom postupku primljena jedna ponuda, ponuda ponuđača Šumskoprivredno društvo Srednjobosanske šume d.o.o. Donji Vakuf, sa ponuđenom cijenom od 16.948,80 KM bez uračunatog PDV-a

- da je ponuda blagovremeno dostavljena
- da nije bilo neblagovremenih ponuda
- da je ponuda ponuđača kvalifikovana.

Za navedeni postupak nabavke robe „ogrjevnog drveta – bukovog ili grabovog“ je predviđena E-aukcija, ali uzimajući u obzir da je ponuda ponuđača Šumskoprivredno društvo Srednjobosanske šume d.o.o. Donji Vakuf jedina zaprimljena ponuda E-aukcija nije održana.

Tokom donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, te ocjenu prispjele ponude shodno kriterijima iz tenderske dokumentacije.

U postupku ocjene provedenog postupka načelnik Općine nije našao nepravilnosti ili propuste u radu koji bi eventualno bili razlog za neprihvatanje preporuke Komisije za javne nabavke. Naime, utvrđeno je da je izbor najpovoljnijeg ponuđača izvršen u skladu sa Zakonom o javnim nabavkama i tenderskom dokumentacijom.

Na osnovu kriterija najniža cijena tehnički zadovoljavajuće ponude izabran je ponuđač ŠPD „Srednjobosanske šume“ d.o.o Donji Vakuf sa ponuđenom cijenom od 19.830,09 KM sa uračunatim PDV-om.

Na osnovu izloženog, a u skladu sa članom 64. stav 1. tačka b), riješeno je kao u dispozitivu.

POUKA O PRAVNOM LIJEKU

Protiv ovog rješenja može se izjaviti žalba Uredu za razmatranje žalbi BiH putem Ugovornog organa u pisanoj formi najkasnije u roku od 5 dana od prijema ove Odluke. Naknada za žalbu je propisana članom 108. Zakona o javnim nabavkama BiH. Žalba se podnosi u dovoljnom broju primjeraka, koji ne može biti manji od tri.

DOSTAVITI:

- ŠPD „Srednjobosanske šume“ d.o.o. Donji Vakuf
- Evidencija

A/a



OPĆINSKI NAČELNIK

Sabahudin Klisura dipl.ing.